



DE M A N D A T O

FACULTATIS SALUBERRIMÆ PARISIENSIS.

DOCTOR SAPIENTISSIME,

QUAM multis abhinc sæculis, tam constantè ac incorruptè servavit, atque, vel in minimis, fidelitèr huc usque retinuit, discipulam verita consensescere ac enervari Sal. Fac. Med. Par. per Schedulam, ut moris est, ad id convocata in Scholas superiores & congregata, solenni Decreto ultimis Comitibus die 28^a Nov. an. 1744 habitis, lato, jussit Articulum 8^{um} novorum Statutorum inviolatum servari, ac ne quis ejus tenorem (ut aiunt) ignoratum prætexat, sine morâ intergrum Typis mandari atque singulis Doctoribus, me curante, quamprimùm distribui: & sic ex unanimi omnium & singulorum voto conclusi. Cui legi ut obtemperem, hunc articulum totidem verbis expressum è Statutorum nostrorum libro propriâ manu excerpti.

A R T I C U L U S O C T A V U S

NOVORUM STATUTORUM CURLÆ PLACITO AN. 1696 FIRMATORUM.

DOCTORIBUS cum veste talari & manicatâ, pileo quadrato, humerali coccino, & modesto, qualis est togatorum, colli amictu, interiores inferiorum Scholarum Cancelli duntaxat pateant, atque hoc ornatu; Baccalaureorum Actibus sedentes immorentur, de eorum Eruditione judicium laturi, ibidemque, in oblato Catalogo datâ subscriptione, præsentia suæ testimonium exhibeant; alioquin si, in diebus Actuum, extrâ laudatos aulae interioris limites, inscribendæ Sygraphæ copiam à Bidellis obtinuisse constet, illi jure suffragii priventur; hi verò plectentur pecunie summâ, ad arbitrium Facultatis.

Et tibi reddendum curavi Tui si quis unquam fuit observantissimus

G. J. DE L'EPINE, Decanus.